



Pórolfur Guðnason rakti feril Haraldar í máli og myndum.



Árni Friðrik Ólafarson færði Haraldri þakkæltisvott frá Alnæmissamtökunum á Íslandi.

Hefur gegnt lykilhlutverki í sóttvörnum

■ ■ ■ Hávar Sigurjónsson

Vinir og velunnarar og samstarfsmenn Haraldar Briem sóttvarnalæknis, efndu til málþings honum til heiðurs mánudaginn 22. júní í Hringisal Landspítalans.

Tílefnið var væntanleg starfslok Haraldar en hann lætur af starfi sínu um næstu áramót og við embættinu tekur einn nánasti samstarfsmaður hans til margra ára, Pórolfur Guðnason.

Fundarstjóri málþingsins var Birgir Jakobsson landlæknir en erindi fluttu Pórolfur Guðnason, Sigurður Guðmundsson, Magnús Gottfredsson, Unnur A. Valdimarsdóttir og Richard Wenzel.

Pórolfur sagði frá ætt, uppruna, námi og starfsferli Haraldar undir yfirskriftinni *Haraldur Briem – hver er maðurinn?* Kom þar fram að Haraldur er vel ættaður, hlaut gott uppeldi, stundaði nám sitt af kostgæfni og hefur átt merkan og gifturíkan starfsferil. Bar Pórolfur Haraldri í hvívetna vel söguna og vitnaði í Hávamál þar sem segir efnislega að meira mark sé takandi á því sem sagt er um menn lifandi en eftir að þeir eru horfnir yfir móðuna miklu. Pórolfur kvaðst aðeins einu sinni hafa orðið fyrir vonbrigðum með Harald, þegar hann komst að því að hann vissi engin deili á þeim merka gítarleikara Eric Clapton. Þarna var sem sagt slegið á léttu strengi í bland við alvarlegri tóna.

Sigurður Guðmundsson fyrrverandi landlæknir og samstarfsmaður Haraldar til margra ára rakti sögu alnæmis á Íslandi og var þáttur Haraldar eigi alllítill. Spannar sú saga ríflega 30 ár. Nefndi Sigurður fyrirlesturinn *HIV og alnæmi á Íslandi fyrstu árin – þáttur Haraldar Briem*.

Að loknu erindi Sigurðar færðu Alnæmissamtökin á Íslandi Haraldri blóm-



Læknablaðið færir Haraldri góðar kveðjur við starfslok og þakkar hans góða skerf til bladsins fyrir og síðar.

vönd í þakkæltisskyni fyrir stuðning hans við alnæmissjúka frá upphafi.

Magnús Gottfredsson sérfræðingur í smitsjúkdómum flutti erindi á ensku er nefndist *What can we learn from old data? Measles epidemic in 19th century Iceland*.

Lýsti Magnús rannsókn sinni og samstarfsmanna á mislingafaraldri er gekk yfir Þjóðina árið 1882 og hvernig sjá mætti dánartíðni og útbreiðslu sjúkdómsins út frá kirkjubókum þar sem fjöldi látinna, aldur þeirra og kyn væri skilmerkilega skráð. Benti hann á greinileg tengsl ónæmis þess hluta þjóðarinnar er var fæddur árið 1846 er annar mislingafaraldur reið yfir og því hafi faraldurinn 1882 komið harðast niður á þeim er yngri voru en 36 ára. Sérstaklega hafi börn og konur á barnsburðaraldri orðið fyrir barðinu á sjúkdómnum. Sagði Magnús mikilvægt að hafa þetta í huga

núna þegar ýmsar ranghugmyndir eru uppi um mikilvægi bólusetninga gegn mislingum og öðrum lífshættulegum smitsjúkdómum.

Unnur A. Valdimarsdóttir flutti erindið *Haraldur Briem and public health preparedness in Iceland* og rakti hún þátt Haraldar í að koma á fót Miðstöð í lýðheilsuvísindum við Háskóla Íslands.

Síðastur á mælendaskrá var Richard Wenzel, sérfræðingur í smitsjúkdómum og einn ritstjóra *NEJM* en hann ræddi samspil sýkingavarna og aukins ónæmis gegn sýklalyfjum undir yfirskriftinni *The co-evolution of infection control and antibiotic resistance*. Wenzel er heimsþekktur á sviði sýkingavarna og ritstjóri handbókar um efnið sem margir hafa nýtt sér í gegnum tíðina.